



Julai 2022

# 2022 NESINEL ILEKSEN

---

## PASIN BLO KARIM AUTIM WOK



# AS TINGTING

Sekuriti long taim blong ileksen em polis, difens  
fos na koreksenel sevis bai inapim.

Oi kolim olgeta yet olsem Join Sekuriti Fos.



**Join Sekuriti Fos imas wokim wok blong ol inapim trening na oda ol i kisim; ilektoral lo na regulesen, wok blong poling or vote na toktok long soim rot olsem istap insait long Commission's General Order, 21 October 2021.**

**Displa ol toktok long soim rot em blong halivim Join Sekuriti Fos long wokim ol toktok halivim long ol pasin ol iken mekim na ol pasin itambu long mekim.**



# Long taim blong ileksen, Join Sekuriti Fos i mas:

Werim unifom na karim ID taim ol wokim ol wok blong ol.

Bihainim ol trening na ol oda ol ikisim long em.

Karim autim ol wok blong ol bihainim ilektrol lo, regulesen na ol toktok blong soim rot.

Karim autim ol wok blong ol long mekim ples blong vote imas seif blong ol manmeri long vote, ol poling wokmanmeri , ol obsava na ol skrutinia.

Karim autim sekuriti blong ol ileksen wokmanmeri na ol ileksen wok samting long taim blo wok, long taim blong surukim ol ileksen wok samting na haples lo putim ol ileksen wok samting.

# **Long taim blong ileksen, Join Sekuriti Fos i mas:**

Gat rispek long atoriti blong Prisaiding Ofisa bilong wanem em wokman o meri igo pas long ileksen long poling booth or ples blong vote.

**Iken go long poling booth long halivim Prisaiding Ofisa sapos Prisaiding Ofisa i askim em long go.**

**Halivim Prisaiding Ofisa long rausim o arrestim ol manmeri i wokim ilektoral o public trabel.**

Tok save long ol hevi i kamap, skelim na surukim hevi igo long ol man igo pas long ol.

Itambu tru long wokim pasin nogut long ol manmeri na mekim save nating long ol manmeri.

Wokim kamapim wok na ol manmeri iken eksasaism demokretic rait blong ol.

# **Long taim blong ileksen, Join Sekuriti Task Fos i noken:**

Kisim ples blong ol poling wokmanmeri.

Go insait long poling booth or ples blong vote taim nogat tok orait o oda ikam long Prisaiding Ofisa. Yu ken go insait long poling booth o ples blong vote taim ol askim yu long halivim manmeri long vote.

Daunum nem o sutim bel blong ol manmeri i laik vote na i narakain liklik long kala blong skin, ples em kam long em, tok ples blong em, sapos em man o meri, lotu blong em, lukluk blong em long politiks, sanap blong em long komuniti, krismas blong em o sanap blong em long wok moni.

Yusim lo long wokim pasin ino stret na daunum nem o sutim bel blong narapla husait i narakain liklik.

# **Long taim blong ileksen, Join Sekuriti Task Fos i noken:**

Askim long liklik moni moa antap long pei, moni halivim, kaikai o dring.

Yusim o wokim strong tumas

Tokaut long tingting politiks blong yu

Toktok wantem ol nius ripota, ol narapela ol wokmanmeri na ol obsava taim nogat tok orait.

Yusim pawa yu gatim long poretim ol manmeri

Kalabusim or holim pasim ol manmeri nating